

Մ Ո Ն Թ Ր Է Ա Լ Ի

Ս. ԳՐԻԳՈՐ ԼՈՒՍԱՒՈՐԻՉ ԵԿԵՂԵՑԻՈՅ

ՏԱՐԵԿԱՆ ԾԽԱԿԱՆ ԺՈՂՈՎԻ ԱՏԵՆԱԳՐՈՒԹԻՒՆ

Մոնթրէալի Ս. Գրիգոր Լուսաւորիչ Հայց. Եկեղեցւոյ Տարեկան ծխական ժողովը տեղի ունեցաւ Կիրակի, Փետրուար 10, 1980, յետ միջօրէի ժամը 3.15-ին եկեղեցւոյս մէջ: Ներկայ էին 334 տրատու անդամներ:

Եկեղեցւոյս հոգեւոր հովիւ եւ նախագահ Հոգջ. Տ. Պարէտ Վրդ. Երէցեան ժողովին բացումը կատարեց Տէրունական աղօթքով: Ներկաներու մասնակցութեամբ:

Յետ ստուգման օրինաւորութիւնը ծխական ժողովին, համաձայն մեր Թեմին Կանոնագրութեան յօդուած 17-ին, ծխական Խորհուրդոյ ատենապետ Պրն. Արթօ Պասմաճեան հրաւիրեց ներկաները կատարելու օրուան դիւանի ընտրութիւնը:

Դիւանի ԸՆՏՐՈՒԹԻՒՆ.- Չեոնքաց քուէարկութեամբ ժողովը օրուան դիւանի ատենապետ ընտրեց՝ Տոքթ. Յակոբ Խաչիկեանը, իսկ ատենադպիր՝ Տիկ. Էմմա Գալուստեան: Դիւանի ատենապետ Տոքթ. Յակոբ Խաչիկեան շնորհակալութիւն յայտնեց, իրեն հանդէպ ցոյց տրուած վստահութեան համար, ապա՝ ձեռնարկեց օրակարգի նիւթերու գործադրութեան:

Յաջորդաբար, Պրն. Ժիրայր Տէրվիշեանի կողմէ առաջարկուեցաւ օրակարգի 5-րդ եւ 6-րդ յօդուածները տեղափոխել իրարու հետ: Առաջարկը երկրորդուելով ընդունուեցաւ ժողովին կողմէ: Տոքթ. Արթօ Տէմիրճեան առաջարկեց, որպէսզի օրակարգի թիւ 11 յօդուածը այսինքն - թելադրութիւններ եւ զանազանք- խօսուին այս ժողովին մէջ, կատարուելիք ընտրութիւններէն առաջ, որոնք տեղի պիտի ունենան յառաջիկայ Կիրակի 17 Փետրուար 1980 թուականին: Նկատի ունենալով, թէ սոյն առաջարկը այսօրուան օրակարգին մաս կը կազմէ, միաձայնութեամբ ընդունուեցաւ: Օրակարգի նիւթերու փոփոխութիւնները վերջացած ըլլալով Դիւանի ատենապետ խնդրեց որ ան վաւերացուի անդամներուն կողմէ: Օրակարգը վաւերացուեցաւ միաձայնութեամբ:

ԸՆԹԵՐՅՈՒՄ ՆԱՍՈՐԴ ԾԽԱԿԱՆ ԺՈՂՈՎԻ ԱՏԵՆԱԳՐՈՒԹԵԱՆ.- Օրուան ատենադպիր Տիկ. Էմմա Գալուստեան կարգաց նախորդ Անդամական ժողովի ատենագրութիւնը: Թելադրուեցաւ որ ժողովին օրինականութիւնը յայտարարուի Հովիւին կողմէ, որ նոյն ատեն նախագահն է, փոխան ծխական Խորհուրդի ատենապետին, ինչպէս որ յիշուած էր նախորդ տեղեկատուութեան մէջ: Դորձեալ ժողովին կողմէ առնուած որեւէ բանածել, յստակ կերպով պէտք է արձանագրուի տեղեկատուութեան մէջ:

ԱՆԳՐԱԴԱՐՉՈՒՄ ԵՒ ՎԱԽԵՐԱՑՈՒՄ ՆԻՒԹԱ-ԲԱՐՈՅԱԿԱՆ ՏԵՂԵԿԱՏՈՒՈՒԹԵԱՆՅ.- ՀՈԳԵՒՈՐ ՀՈՎԻՒԻ ՏԵՂԵԿԱՏՈՒՈՒԹԻՒՆ.- Յետ կարգ մը թելադրութեանց, ժողովը վաւերացուց Հովիւին տեղեկատուութիւնը:

ԾԽԱԿԱՆ ԽՈՐՀՈՒՐԴՈՅ ՏԵՂԵԿԱՏՈՒՈՒԹԻՒՆ.- Նիւթական տեղեկատուութեան մէջ, անդամներուն կողմէ մատնանշուեցաւ, եկեղեցւոյս տարեկան տուրքի յատկացման մասին ի Առաջնորդարան, թէ ի՞նչ ձեւով կը կիրարկուին: Գանձապահ Պրն. Միսաք Կուստուզեան -այժմ հրաժարած- բացատրութիւններ տուաւ տուրքերու վճարման մասին, որոնք կը սահմանուին Թեմական Պատգամաւորական ժողովին կողմէ, ոչ թէ ծխական ժողովներու կողմէ: Տ. Պարէտ Վրդ. Երէցեան տուաւ աւելի լուսաբանութիւններ եւ մանրամասնութիւններ նոյն նիւթին շուրջ:

Ծխական Խորհուրդոյ եւ ՄԱՐՄԻՆՆԵՐՈՒ ՏԵՂԵԿԱՏՈՒՈՒԹԻՒՆՆԵՐ.- ժողովը զբաղեցաւ ծխական Խորհուրդոյ եւ ենթակայ յանձնախումբերու տարեկան տեղեկատուութիւններով եւ զանոնք վաւերացուց յետ գնահատական արտայայտութիւններու, մասնաւորաբար Եկեղեցասէր Տիկնանց Յանձնախումբի գործունէութիւնները դիմաւորուեցան մեծ գնահատանքով:

ՆԻՒԹԱԿԱՆ ՏԵՂԵԿԱՏՈՒՈՒԹԻՒՆՆԵՐ.- Կարգ մը թելադրութեանց եւ թէր ու դէմ կարծիքներու փոխանակումներէ ետք, ժողովը միաձայնութեամբ վաւերացուց ծխական Խորհուրդոյ եւ իրեն ենթակայ յանձնախումբերու նիւթական տեղեկատուութիւնները:

ԱՆԴԱՄԱՏՈՒՐՔԵՐՈՒ ՅԱԻԵԼՈՒՄ.- Ժողովը զբաղուեցաւ օրակարգի 5-րդ հարցով, որ առաջարկուած էր ծխական Խորհուրդին կողմէ, ծխական ժողովին ուշադրութեան յանձնել անդամատուրքերու բարձրացման հարցը ըստ հետեւեալին. 25 տուար անդամատուրքը բարձրացնել 30-ի եւ 15-ի 20-ի: Յետ հարցին քննութեան, Պրն. Աւետիս ճիհանեան առաջարկեց որ 25 տուարը բարձրացուի 30-ի եւ սակայն, տարեցներու եւ երիտասարդներու համար սահմանուած 15 տուարի գումարը մնայ նոյնութեամբ: Այս առաջարկը երկրորդուելէ յետոյ, ընդունուեցաւ անդամներու մեծամասնութեան ձայնով:

1980 ՏԱՐՈՒԱՆ ՆԱԽԱՀԱՇԻՒՎ ՎԱԻԵՐԱՑՈՒՄ.- Պրն. Քերովբէ Պտուկեան առաջարկեց որպէսզի եկեղեցին ունենայ 2000 տուարի յատկացում մը ընկերային սպասարկութեան համար: Տոքթ. Արթօ Տէմիրճեան, նոյն հարցին շուրջ, առաջարկեց որ զանց առնուի նման յատկացում մը, տրուած ըլլալով որ գաղութին մէջ տարբեր կազմակերպութիւններ արդէն կը զբաղուին նոյն հարցով: Յետ կարծիքներու փոխանակման, ժողովը մեծամասնութեամբ ընդունեց 2000 տուարի յատկացում մը կատարել ընկերային օժանդակութեանց ծառայութեան համար: Պրն. Անդրանիկ Հատրճեանի առաջարկով նախահաշիւին վրայ աւելցուեցաւ 2000 տուարի վերոյիշեալ յատկացումը: Ապա մեծամասնութեան ձայներով վաւերացուեցաւ 1980 տարեշրջանի նախահաշիւը:

ՎԱԻԵՐԱՑՈՒՄ ԸՆՏՐՈՂԱԿԱՆ ՅԱՆՉՆԱՍՈՒՄԻ ԿՈՂՄԷ ՊԱՏՐԱՍՏՈՒԱԾ ԹԵԿՆԱԾՈՒՆԵՐՈՒ ՑԱՆԿԵՐՈՒՄ.- Դիւանի ատենապետ Տոքթ. Յակոբ Խաչիկեան կարդաց Ընտրողական Յանձնախումբի կողմէ պատրաստուած թեկնածուներու անունները: Ծխական Խորհուրդոյ թեկնածուներու մէջ գտնուող Պ.Պ. Գէորգ Փելթէքեան եւ Առաքել Առաքելեան ներկայացուցին իրենց հրաժարականները որպէս թեկնածուներ: Ապա, Տոքթ. Յ. Խաչիկեան հրաւիրեց Ընտրողական Յանձնախումբի ատենապետ Տոքթ. Արթօ Տէմիրճեանը, որպէսզի տայ իր տեղեկատուութիւնը տարուած աշխատանքներու մասին: Տոքթ. Ա. Տէմիրճեան ժողովին ուշադրութեան յանձնեց տարուած աշխատանքներուն մասին, ընտրութեան թուականին, ժամին եւ կիրարկուելիք մեթոտներուն մասին: Յաջորդաբար Պրն. Արամ Մելիքեան առաջարկեց որ թեկնածուներու ցանկերը փակուած համարուին: Պրն. Երուանդ Շիշմանեանի կողմէ երկրորդուելով այս առաջարկը, ժողովին կողմէ մեծամասնութեամբ ընդունուեցաւ եւ վաւերացուեցաւ թեկնածուներու ցանկերը ծխական Խորհուրդոյ, Ընտրողական Յանձնախումբի եւ Հաշուեքննիչ Յանձնախումբի:

ՕՐԱԿԱՐԳԻ 8, 9 ԵՒ 10-ՐԴ ՆԻԼԹԵՐ ԸՆՏՐՈՒԹԻՒՆՆԵՐ.- Դիւանի ատենապետը ժողովին ուշադրութեան յանձնեց, որ ընտրութիւնները տեղի պիտի ունենան յառաջիկայ Կիրակի, 17 Փետրուար 1980, կէսօրէ ետք, ժամը 1-6 ի միջեւ Եկեղեցւոյ մէջ; համաձայն ծխական Խորհուրդոյ պաշտօնական հրաւերին:

ԹԵԼԱԴՐՈՒԹԻՒՆՆԵՐ ԵՒ ԶԱՆԱԶԱՆՔ.- Նկատի ունենալով այս տարուան ընդհանուր ժողովի հրաւերներուն յապաղումը Գանատական Թղթատարութեան կաղացումին պատճառով, ժողովը թելադրեց ծխական Խորհուրդին, որ յառաջիկային հրաւերները ուղարկուին կարելի եղածին չափ կանուխէն:

Յաջորդաբար ժողովը զբաղուեցաւ յառաջիկայ տարուան ծխական ժողովի թուականին մասին, թելադրելով որ ժողովին թուականը կարելի եղածին չափով նախապէս որոշել:

ՓԱԿՄԱՆ ԽՕՍՔ ԵՒ ՕՐՀՆՈՒԹԻՒՆ.- Օրակարգի հարցերը վերջացած ըլլալով ի բացառեալ ընտրութիւններէն, Դիւանի ատենապետը հրաւիրեց Հայր Սուրբը որ իր խօսքը եւ օրհնութիւնները տայ: Տ. Պարէտ Վրդ. յայտարարեց որ ժողովը առկա կը մնայ մինչեւ յաջորդ Կիրակի: Ապա տալով

իր օրինութիւնները եւ պատգամը ժողովը վերջ գտաւ երեկոյեան ժամը 6.30-ին:

ԸՆՏՐՈՒԹԻՒՆՆԵՐ.- Ժխական Խորհուրդոյ, Ընտրողական Յանձնախումբի ինչպէս նաեւ Հաշուեքննիչ մարմնի ընտրութիւնները տեղի ունեցան նախապէս որոշուածին համաձայն յաջորդ Կիրակի օր, Փետրուարի 17-ին, Եկեղեցւոյ Մարի Մանուկեան սրահին մէջ ամենայն կանոնաւորութեամբ եւ կարգապահութեամբ ժամը 1-6 ի միջեւ: Ընտրութիւններուն մասնակցեցան եկեղեցւոյ 869 տրատու անդամները: Ժամը երեկոյեան 6-էն ետք, Ընտրողական Յանձնախումբի եւ Հաշուեքննիչ Մարմնի նախորդ տարուան ընտրուած անդամները Եկեղեցւոյ Վաչէ Յովսէփեան դահլիճին մէջ առանձնանալով կատարեցին քուէներու համրելու աշխատութիւնը եւ զայն վերջացուցին գիշերուան ժամը 12-ին եւ պատրաստեցին տեղեկատուութիւն մը ցոյց տալով ընտրութեանց արդիւնքները ըստ հետեւեալին.

ԺԽԱԿԱՆ ԽՈՐՀՈՒՐԴՈՅ ԸՆՏՐՈՒԱԾ ԱՆԴԱՄՆԵՐ.-

1.- Տոքթ. Յակոբ Խաչիկեան	823	քուէով ընտրուած
2.- Տոքթ. Արթօ Տէմիրճեան	589	"
3.- Պրն. Արթօ Պասմաճեան	522	"
4.- Տոքթ. Յարութիւն Արզումանեան	497	"
5.- Պրն. Ժիրայր Կազէրեան	367	պահեստի
6.- Տիկ. Արտա Գուլումճեան	348	"

ԸՆՏՐՈՂԱԿԱՆ ՅԱՆԶՆԱԽՈՒՄԲԻ ԸՆՏՐՈՒԱԾ ԱՆԴԱՄՆԵՐ.-

1.- Տոքթ. Յովհաննէս Պալապանեան	818	քուէով ընտրուած
2.- Պրն. Ժիրայր Այվատեան	764	"
3.- Պրն. Համբարձում Կէօզէրեան	735	"
4.- Պրն. Վահէ Քէթիկի	520	"
5.- Տոքթ. Հրայր Տէր Գէորգեան	491	"
6.- Պրն. Քերովբէ Պտուկեան	383	պահեստի
7.- Պրն. Մուրատ Թազուրեան	353	"
8.- Պրն. Հրաչ Թորիկեան	45	"
9.- Տիկ. Անահիտ Գալայճեան	31	"
10.- Պրն. Հրատ Սարաֆեան	6	"

ՀԱՇՈՒԵՔՆՆԻՉ ՄԱՐՄՆԻ ԸՆՏՐՈՒԱԾ ԱՆԴԱՄՆԵՐ.-

1.- Պրն. Գէորգ Մանուկեան	768	քուէով ընտրուած
2.- Պրն. Անդրանիկ Չատրճեան	488	"
3.- Պրն. Վահագն Արապեան	482	"
4.- Պրն. Արտէն Տէրվիշեան	358	պահեստի
5.- Պրն. Արթօ Քէփէքճի	354	"
6.- Պրն. Իվան Բրուտեան	47	"

Երանտ Երանտ
ՊԱՐԷՏ ՎՐԴ. ԵՐԷՑԵԱՆ
Հոգեւոր Հովիւ եւ նախագահ

Յարութիւն Արզուման
ՏՈՔԹ. ՅԱԿՈՐ ԽԱՉԻԿԵԱՆ
Դիւանի ատենապետ

Տիկ. Բարսեղ
ՏԻԿ. ԲՄՄ ԳԱԼՈՍՏԵԱՆ
Դիւանի ատենադպիր